

مکرمات

ادبی و سیاسی رساله اسبوعیه در

۳۱ نجی سنه

۷ محرم ۱۳۳۰

پنجشنبه

جزء عدد : ۱۲۷

ایران ، عجایب کی برلہستانی اولہ جق در ؟

(مابعد عن جزؤ ۱۲۶)

محمد علی ترتیباتی کمال اہتمام واعتناء ایلہ احضار ایلشدی . اودہ سادہ بولمخمدہ
ایکن ، کندیسینک خلعدن صکرہ افکار احرارانہ سنہ بناء ایرانہ قلمسنہ مساعده
ایلمش اولان کوچک برادری سالارالدولہ ایلہ برقاچ دفعہ ملاقات اجرا ایلش
و بوندہ حرکتک اساسلری قرارلشدیرلمش ایدی . شاہ مخلوع برآز صکرہ دہ
ویانہ دہ ، مکتسبات حربیہ سنی توسیع ایچون اورایہ کلش اولان و کندیسینک
طرفدارانندن بولنان ارشدالدولہ بہ ملاقی اولہرق آنکلدہ ترتیاتک صورت
اجراسی حقندہ عقد اشلاف ایلدی . ویانہ دہ کی روسیہ سفیری ، محمد علینک
ارشدالدولہ ایلہ مناسباتی خبر آلہرق خنی برطاقم ترتیاندہ بولندقلرینہ انتقال
ایتمشدی . ذاتاً شاہ مخلوع طرفدارنی بالذات روسیہ سفیرینہ مراجعت ایلہ روسیہ نک
بالفعل مظاهرت ایتہ سہ بیلہ ہیچ اولماز سہ معاونت نقدیدہ بولمخسنی طلب ایلدیلر .
روایتہ نظراً روسیہ حکومتی محمد علینک بوطلب و مراجعتنی رد ایتمش .
ہر حالہ محقق اولان برشی وارسہ اودہ روسیہ نک ترتیات وتشبثاندن بوصورتلہ
خبردار اولدیننی خالدہ ایرانی ابقاظہ یناشتمہ مش اولمسیدر .

محمد علی ممکن اولدیننی قدر فضلہ یارہ بولمق ایچون زوجہ سنک مجوہراتنہ
وارنجہ قدر صاندی . والدہ ایتدیکی مبالغہ ایلہ آوسرتیادن ایکی میترالیوز ایلہ
برجوقدہ تفک و مهمات اشترا ایلدی . بوندرک ہیسی برطاقم صندوقلرہ وضع
ایدیلہ رک اوزرلرینہ دہ (معدہ صوتی) عبارہ سی یازلدقن صکرہ ایران حدودینہ
سوق ایلدی .

محمد علی (خلیل) نامنه بر پاساپورط تدارك ایتدکدن صکره یوزینه بر ساخته صقال ط قهرق روسیهیی باشند باشه کچوب بحر حزر ساحلنه مواصلت ایلدی . روسیه حکومتی ، شاه مخلوعک ویانهده کی احوال و حرکاتی تحت ترصدده طوتهرق تصورات و تشبثاتندن ، کدیسنگ سفیره مراجعتندن اول بیله خبردار اولمش ایکن شمعی بویه روسیهیی بر باشند دیگر باشه قطع ایلدیکی حالدده محمد علینک شخصی طانیه مامش اولسنه طبیعی احتمال ویریله من و بوده حکومت مذکورنک ایرانده غلله احداث ایده جک تشبثات و تربیاتی نه قدر ترویج و تسهیل ایتدیکنه دلالت ایلر .

محمد علی بحر حزر ساحله مواصلت ایتدکدن صکره بطول نقل ایتدکه اولان کوچک واپورلردن برینه راکبا (کوموش تپه) به چقیدی . بوموقع استر آباد ایالتنک حدودنده متمکن ترکن عشرتدریله مسکوندنر . بو آدمیر باره ایل و یوله راست کلدکاری شهرلری و بالخاصه طهرانی یغمايه مساعدده ایلدیله جکی و عدیله اطماع اولندقلرندن ایچلرندن بر چوغنی عرض خدمته مسارعت ایتدی . شاه مخلوع بونلری جمع ایلله اولدقجه بر قوت تشکیل ایتدکه موفق اولور اولماز ارشداوله در حال محاصراته قیام ایلدی . عینی زمانده سالارالدوله دخی کردستانده بر حرکت قیامیه ایقاعنه موفق اولمشدی .

سالارالدوله ۱۱ یوقارودده سویلدیکمز وجهله شاه مخلوعک کوچک برادری اولوب مسلک و مزاجی پک متلون بردلیقانیلدر . ذوق و سفاشته زیاده سسیله متمایل بولندیغندن پارهجه دائما مضایقهدهدر . حتی دهایقین زمانده بارسده ایکن اوطوردیغنی اوتل مصارفنی تأدیهده اظهار عجز ایلش ایدی . بویارمسنزلغنه چارم ساز اولمق ایچون شمعی به قدر ایکی دفعه مملکتنده اعلان عصیان ایتمش اولوب ایلک دفعهده برادری محمد علینک حین جلوسنده قیام ایتمش ، ایکنجی دفعهده اداره مشروطیه قارشی بر حرکت اختلالیه ایقاعنه چالیشمشدی . شمعی ایسه برادری حسابنه اجرای ۱۱ ایکی سنه اول پارسده بوخانه خراب ایلله کورشمش ایدک . کندییی افراط سربستی ایلله طرفدار مشرطیت کورینوردی .

تشبثات ایتمکده در + فقط بووسسیله ایله بیله شاه مخلوعدن هیچ بر معاونت نقدیه استحصال ایده مدیکندن باشنه طویلا دینی افراد عاصیه به توزیع ایچون ذی قیمت احجار ایله مزین غایت گرانها بر طبقه بی صاندینی گبی فرانسه اکابر نسوانی میاننده غایت مهم بر موقی حازر بولان و کندیسیله برابر ایران قدر کیده رک بالجله حرکاته اشتراک ایدن زنکین بر قادیندن دخی یاره قبول ایتمکده در .

ایران حکومت مشروطه سی کندی بصیرتسنزلیکی ، تدیرسنزلیکی یوزندن شاه مخلوع ایله برادینک بوتشبتات و حرکات اختلالیه سی قارشوسنده یک بوش بولغشدی . مع مافیه ایلك قیام و عصیان خبرلی کلیر کلز ، فرانسه اختلال کبییرینی تقلیداً مجلس مبعوثان اعضاسندن مرکب اولمق اوزره در حال بر سلامت عمومیه قومیتیه سی تشکیل قلندی و محمد علینک تخصیصاتی بالطبع قطع اولندینی گبی کندیسیله قرده سنک و ارشدالدوله نک کلهرینی کتیره جک اولاندرده بیوک بر مبلغ وعد ایدلدی ، هراوچنک ده بتون اموال و املاکی ضبط و مصادره اولندی و هرایکی طرفه قارشی سوقیات عسکریه اجراسنه باشلاندی .

حکومتک اعزام ایتمیکی بو عسکر عددآ دون بولغمله برابر احراز غلبه به موفق اولدی . برنجی مفرزه ۹۰۰ کشیدن مرکب اولوب ایکی بیك قدر طرفدار ایله طهران اوزرینه کلکده اولان ارشدالدوله به قارشی سوق اولغشیدی . مفرزه ، عاصیلره (امام زاده یافور) موقعنده ، کچن ایلول افرنجینک بشنده مصادف اوله رق کندیلرینی بر مغلولیت تامه به دوچار ایتمی . حتی ارشدالدوله ، خسته و آیاغندن مجروح اولدینی حالده بالذات تسلیم نفسه مجبور اولدی . حکومت عساکری کندیسه قارشی بیوک بر حسن قبول کوستردی ، فقط ایرتسی کونی ده قورشونه دیزدی . شاه مخلوعک حرکات و تشبثاته دار یوقاروده اعطا ایلمکمز تفصیلات قسماً ارشدالدوله طرفدن ویریلان معلوماتدن مقتبسدر . ارشدالدوله اسیر اولدینی کونی آقشامی حکومت ضابطانسه عصیانک صورت احضار و ترتینی نقل و حکایه ده مشکلات کوسترمه مشدی . شاهک بوبنده صادق خوش کلام ، مجلس آرا و جسور بر آدم ایدی . اعدامی حقنده ویریلان

حکم کندیسنه ایرتسی کونی شفق ایله برابر تفهیم اولندی . حکمی ، کمال متانت و لاقیدی ایله دیکلدی و نصرالدین شاهک گریه سی اولان زوجه سینه صوڭ بر مکتوب یازمق ایچون بر قاچ دقیقه مساعده آلدی . بعده اطرافنده کیلره قارشى مختصر و ظنیرو رانه بر حکایه ایراد ایتدکن صڭره کندیسنى قورشونه دیزه جک اولان مفرزه نی بر مدت تماشا ایلدی و عسکره بالذات « آتش ! » قومانداسنى ویرمرك عقینده ده « یاشاسین وطن ! » دیه باغیردی . فقط اعدامه مأمور اولان عساکر ، مسلمان اولدقلری جهتله خاندان شاهى به مناسبت صهریه سی اولان بر آدمه قارشى محترزانه استمال سلاح ایتمشلردی ، بناءً علیه ایلک آتش اوزرینه ارشدالدوله خفیف صورتده جریحه دار اوله رق دیزلری اوزرینه دوشدی و ایکنجی بر مفرزه عسکریه کلنجیه قدر بکلدی . بودقمه کی عسکر ایسه ارمنیلردن متشکل ایدی . بونلرده او یله حسیاته قاییه جق ماهیته اولمدقلرندن ایی نشان آلوب آتش ایتدیلر . ارشدالدوله صوڭ دفعه اولمق اوزره (زندآباد محمدعلی - چوق یاشاسین محمد علی) نداسنى رفع ایدمرك یوزی اوستی دوشوب ترك حیات ایلدی . سالارالدوله ده احتمالکه قریباً بویله بر عاقبه دوچار اوله جقدر . چونکه اوده ۲۷ ایلوله حکومت عساکری طرفندن باغ شاهده مغلوب ایدیلهرك ۶۰۰ کشی و ۱۲ طوب ضایع ایتدکن صڭره همدانه فرار و اتجا ایلدی . فقط اوراده ده دوچار تعقیبات اولدیغندن بر قاچ طرفدارانی ایله برابر (کوردستان) طرفه طوغری چکلدی ، کندیسنه معاونت ایدن اصیلزاده فرانسز قادینى الان رفاقتنده بولنقمده ، طالعتک بالجله ناموافق تظاهراته اشتراك ایلکده در .

[مابعدی وار]

